

Mál nr. 5

Knattspyrnudeild Aftureldingar gegn Knattspyrnudeild ÍA

Kæra Aftureldingar

Kröfur: 1) Átta liða úrslitakeppni í Íslandsmeistaramóti KSÍ í 5. flokki karla er fram fór á Húsavík 16. – 18. ágúst 2002 verði leikin að nýju.

2) Þjálfari 5. flokks karla, Jón Hugí Svavar Harðarson kr.210663-3049, hjá Knattspyrnufélagi ÍA verði ávittur fyrir óheiðarlega framkomu í garð mótherja og mótshaldara í ofangreidri úrslitakeppni. Hann biðji alla hlutaðeigandi aðila afsökunar á fram komu sinni og að hann fái ekki að stýra liði sínu meira í þessari keppni. Knattspyrnufélagið ÍA greiði Aftureldingu 150.000 kr. Vegna útlagðs kostnaðar við þátttöku í úrslitakeppninni á Húsavík.

Til vara: Fer kærandi fram á að þau lið sem möguleika höfðu á að komast í úrslitaleikinn á Laugardalsvelli það er að segja ÍA, Þór og Afturelding leiki á hlutlausum velli um rétt til þátttöku í úrslitaleiknum.

Málsaðstæður:

Þjálfari 5. flokks karla hjá Knattspyrnufélagi ÍA, Jón Hugí Harðarson notaði vísvitandi leikmenn úr A-liði í leiki B-liðs. Með því jók hann líkur á að koma ÍA í úrslitaleikinn þar sem stig A- og B-liða telja saman til árangurs. Þetta háttalag gerði keppnina tilgangslausa fyrir Aftureldingu sem hafði lagt út 150.000 kr. kostnað í ferðalög og fæði auk vasapeninga 2.000 kr. á hvern dreng.

Lagatilvitnanir

Reglugerð KSÍ um knattspyrnumót kaflí 3.9.6.1. grein 4.

Reglugerð KSÍ um knattspyrnumót kaflí 3.9.6.1. grein 11.

Reglugerð KSÍ um knattspyrnumót kaflí 4.3. grein 1.

Skýrslutökur fyrir dómi

Fyrir hönd Knattspyrnudeildar Aftureldingar áskil ég mér rétt til þess að reifa málið frekar, koma með ný gögn, málsástæður, mótmæli, lagarök og vitni, á síðari stigum málsins.

Mosfellsbæ 22.8.2002

f.h. Knattspyrnudeildar Aftureldingar

Sigurður Þ. Árnason

Formaður Knattspyrnudeildar Aftureldingar.

Úrskurður Dómstóls KSÍ

Samkvæmt 2. tl. 7. greinar laga um dómstóla Knattspyrnusambands Íslands skal formaður dómsins svo fljótt sem hægt er taka afstöðu til þess hvort einhverjir formgallar semkvæmt 6. grein sömu laga geri að verkum að málið sé ekki tækt til meðferðar. Séu slíkir gallar á málinu skal dómformaður vísa málinu frá dómi með úrskurði.

Reynt hefur verið að ná sáttum um nokkurra daga skeið, en þær umleitanir hafa reynt árangurslausar.

Að mati undirritaðs uppfyllir kæra kæranda ekki skilyrði 6. greinar áðurnefndra laga, einkum varðandi 4. tl. 2. mgr. varðandi kröfugerð. Að mati dómarans er málið ekki dómtækt á grundvelli framangreindrar kröfugerðar.

Af framangreindum ástæðum er máli þessu vísað frá dómi.

Því úrskurðast:

Máli þessu er vísað frá dómi.

Seltjarnarnesi 26. ágúst 2002
F.h. dómstóls KSÍ
Gunnar Guðmundsson hdl.
Dómsformaður

Kæra til Dómstóls KSÍ

Kæra Aftureldingar

Kröfugerð:

- 1) Að undanúrslitaleikir A- og B-liða Aftureldingar og ÍA í Íslandsmóti 5. flokks er fóru fram þann 18. ágúst sl. verði dæmdir ógildir og verði látnir fara fram að nýju á hlutlausum velli.
- 2) Að þjálfari 5. flokks knattspyrnufélags ÍA, Jón Hugi Svavar Harðarson, kl. 210663-3049, verði dæmdur til hæfilegrar refsingar, leikbanns eða útilokunar frá keppni, fyrir það brot að hafa notað ólöglega leikmenn úr A-liði í leik A-liðs 5. flokks ÍA gegn B-liði 5. flokks Aftureldingar þann 18. ágúst sl. Eftir atvikum er þess einnig krafist að Knattspyrnudeild ÍA verði dæmd til sektargreiðslna í samræmi við lög KSÍ.

Að auki er þess krafist að dómstóllinn úrskurði kæranda hæfilegan málskostnað úr hendi kærðu.

Málsástæður og önnur atvik

Dagana 16.-18. ágúst 2002 fór fram úrslitakeppni Íslandsmóts 5. flokks drengja í knattspyrnu. Mótið var haldið á Húsavík. Mótið fer fram með þeim hætti að til keppni mæta A- og B-lið hvers þátttakanda. Hver viðureign er samsett úr tveimur leikjum, þ.e. leik a-liðs félaganna og leik B-liðs félaganna. Sigur í B-liðs viðureigninni gefur 2 stig, en sigur í A-liðs viðureign 3 stig. Leikur B-liðanna fer fram fyrst og því liði sem vinnur hann nægir jafntefli í leik A-liðanna til þess að sigra í viðureigninni. Það má segja að um sé að ræða fyrri og seinni hálfleik þar sem í fyrri hálfleik mætast B-lið en í seinni hálfleik A-lið.

Í undanúrslitum framangreindrar úrslitakeppni mættust lið Aftureldingar og ÍA. Á pappírnum var B-lið Aftureldingar sterkara en B-lið ÍA, en því var **a' mþllri –figt faro' ,e'** A-liðin. Drengirnir í 5. flokki og forráðamenn sáu það því fyrir sér að B-liðið myndi hafa sigur og því væru 2 stig komin í hús, A-liðið gæti því spilað uppá jafntefli í sínum leik og það myndi því nægja til þess að komast í úrslitaleikinn.

Þjálfari 5. flokks ÍA, Jón Hugi Svavar Harðarson, sá hins vegar við þessu. Hann brá á sama ráð og hann hafði gert árið áður, hann notaði leikmenn úr A-liði félagsins til þess að styrkja B-liðið og tryggja að B-liðið hefði sigur í leik sínum við B-lið Aftureldingar. Þarna braut hann vísvitandi gegn 12.tl.gr. 3.9.6.1.rg. KSÍ um knattspyrnumót, en þar segir m.a. að leikmaður geti aðeins leikið fyrir eitt lið félags (A- eða B-lið) í úrslitakeppni.

Nú hafði áætlun drengjanna í Aftureldingu beðið skipsbrot, B-liðið hafði tapað sínum leik, það nægði því ekki lengur að ná jafntefli í leik A-liðanna. Drengirnir voru miður sín og fundust þeir hafa verið sviknir, margir þeirra grétu. Það var alltaf vitað að leikur A-liðanna yrði erfiður, sérstaklega eftir vonbrigðin með B-liðs leikinn, enda kom það á daginn að Afturelding tapaði. Vonbrigðin voru sár fyrir drengina sem fannst á sér brotið og að ÍA hefði komist áfram á svindli. Búið er að reyna að ala upp í drengjunum að drengskap skuli hafa að

leiðaljósi og að svindl eigi ekki að sjást á leikvellingum, hætt er við því það hljómi einhverju leyti innatómt í eyrum drengjanna í dag.

Forráðamenn Aftureldingar gerðu athugasendir við mótstjórn og eins forráðamenn Þórs sem áttu nú að mæta ÍA í úrslitaleiknum. Þórsarar neituðu að mæta ÍA fyrir en mótstjórn hafði tekið á málinu. Mótstjórn ákvað að dæma úrslit í leik B-liða Aftureldingar og ÍA ógild og að Afturelding hafði farið með sigur af hólmi í þeim leik. Réttast hefði hins vegar verið að dæma leik A-liðanna einnig ógildan, þar sem leikur B-liðanna er órjúfanlegur hluti af honum. Þegar Jón Hugi, þjálfari ÍA drengjanna kom af fundi mótstjórnar fagnaði hann enda sigri hrósandi og taldi sig hafa sloppið mjög vel. Vitni að þessu urðu margir drengjanna í Aftureldingu og forráðamenn félagsins.

Ljóst er að á þessu máli þarf að taka, þjálfarar yngri flokkanna eiga ekki að geta komist upp með ódrengileg vinnubrögð sem þessi. Um er að ræða ólíðandi verknað gagnvart drengjunum. Það er einnig mikilvægt fyrir gott samstarf klúbbana í millum að á þessu máli sé tekið í eitt skipti fyrir öll. Knattspyrnudeild Aftureldingar telur því eðlilegt og sanngjarnt fyrir alla aðila að drengirnir í A- og B-liði 5. flokka Aftureldingar og ÍA fái að leiða saman hesta sýna að nýju og útkljá hvorir séu betir, án þess að haft sé rangt við..

Bent er á að knattspyrnudeild ÍA hefur með bréfi dags. 23. ágúst viðurkennt að haft hafi verið rangt við þegar tilfærsla fór á leikmönnum milli A- og B-liða í úrslitakeppninni og eru hlutaðeigandi félög beðin afsökunar í bréfinu. Um er að ræða ítrekaða kæru til dómstólsins, en fyrri kæra sætti frávísun, sbr. 2. tl. 7. gr. Samkvæmt 2. tl. 5. gr. laga um Dómstól KSÍ hefur kærandi þriggja daga frest til að skjóta málinu aftur til dómstólsins.

Lagarök

Vísað er til gr. 3.9.6.1. reglugerðar KSÍ um knattspyrnumót, einkum 4., 11. og 12. tl. Í 4.tl. segir að sameiginlegur stigafjöldi A- og B-liða ráði röð félaganna. Í 11. tl. segir að B-lið skuli leika á undan A-liði og það félag sem hljóti fleiri stig samanlagt úr leikjum B- og A-liða skuli standa uppi sem sigurvegari. Þá er vísað til 1. tl. gr. 4.3. og 3. tl. gr. 4.4 um sektir. Þá er vísað til 16. gr. laga um Dómstól KSÍ.

Framlögð skjöl og skýrslutökur

Lagt er fram bréf knattspyrnudeildar Þórs dags. 20. ágúst 2002 og bréf knattspyrnudeildar ÍA, dags. 23. ágúst 2002. Að auki er áskilinn réttur til þess að reifa málið enn frekar og leggja fram frekari gögn, málsástæður, mótmæli og kalla til vitni til skýrslugjafar á síðari stigum málsins.

Reykjavík, 28. ágúst 2002
f.h. Knattspyrnudeildar Aftureldingar,
f.h. Sigurður Þ. Árnasonar, formanns.
Vilhjálmur Bergs, hdl.

Greinagerð ÍA

Unglinganefnd Knattspyrnufélags íA(UKÍA og aðalstjórn Knattspyrnufélags ÍA (KÍA) vilja taka eftirfarandi fram:

Í úrslitakeppni 5. fl. Karla sem haldin var á Húsavík dagana 16.-18. ágúst sl. Fór fram tilfærsla á milli A og B liða ÍA. Ljóst er að tilfærsla á milli liða er ekki heimil í úrslitakeppni samkvæmt reglum KSÍ.

Eftir að heim var komið hefur unglinganefndin farið yfir þetta mál með þjálfara 5. fl. Karla og fleirum, m.a. aðalstjórn KÍA og yfirþjálfara yngri flokka félagsins. Sameiginlega niðurstaða allra þessara aðila er sú að harma beri að þetta kom fyrir og að biðja KSÍ og öll félög sem

tóku þátt í ofangreindri úrslitakeppni afsökunar. Við óskum eftir því að KSÍ komi afsökunarbeiðni þessari til allra viðkomandi félaga.

UKÍA mun gera allt sem í hennar valdi stendur til að koma í veg fyrir að atvik sem þetta endurtaki sig.

Akranesi 23. ágúst 2002

Með kveðju,

Haraldur Friðriksson
Formaður UKÍA

Hörður Helgason
formaður aðalstjórnar KÍA

Akureyri 20.ágúst 2002
Mótanefnd KSÍ/aganefnd

Um síðustu helgi tók 5. flokkur drengja frá ÞÓR þátt í úrslitakeppni sem haldin var á Húsavík. Þar var í riðli með okkar drengjum lið ÍA. Við spiluðum við þá í riðlakeppninni á föstudegi og töpuðum mjög naumlega í B liðum en frekar illa í A liðum. Tiltölulega reyndur þjálfari ÍA manna (stýrði m.a. 5 fl. í úrslitum á móti okkar drengjum í hörkuleikjum í fyrra á Egilsstöðum) færir þá til leikmann eða leikmenn (drengirnir okkar og margir áhorfendur segja a.m.k. tvo leikmenn) á milli liða sem er stranglega bannað. Það er ljóst að ÍA menn viðurkenna að hafa brotið reglur. Samkvæmt leikskýrslum ÍA voru umræddir leikmenn í B liði. Það er ljóst að þeir spiluðu föstudagsleikinn gegn okkur með A liði en úrslitaleik á sunnudegi með B liði (þó held ég að annar þeirra hafi ekkert fengið að spila í sunnudagsleik svo undarlegt sem það nú er !!). Í okkar huga hefur ÍA því verið með ólöglegt A-lið á föstudegi gegn okkur.

Það skal koma fram að við gerðum formlegar athugasemdir við mótsstjórn áður en sunnudagsleikir fóru fram. Nú er það svo að við viljum vinna viðureignir okkar á leikvöllinum og þar töpuðum við. Þess vegna var ætlunin að láta kyrrt liggja að mestu. Nú er hins vegar staðan sú að Afturelding ætlar ekki að una því að ekkert verði gert í málinu og þar sem þeir biðja okkur að taka afstöðu í málinu var tekin sú ákvörðun að bera fram formlega kvörtun og biðja KSÍ að taka á málinu. Rétt skal vera rétt !

Við höfum í raun ekki mikinn áhuga á að hegna 11-12 ára drengjum fyrir heimskupör þjálfara og kærum því ekki. Líklegast væri eðlilegast að þjálfari væri látinn gjalda þess ekki síst þar sem hann hefur viðurkennt að hafa haft rangt við í fyrra líka í úrslitum á Egilsstöðum þar sem Þórsarar og Skagamenn áttust við um sæti í úrslitaleik. Síðan má ekki gleyma því að það eru grátandi drengir bæði á Akureyri og Mosfellsbæ sem tala um svindl !!

Við höfum engan áhuga á að efna til leiðinda milli ÍA og Þórsara og vonandi verða ekki miklir eftirmálar af þessu.

Við sögðum á Húsavík að við tækjum því sem KSÍ ákvarðaði þá (spiluðum sunnudagsleikina þrátt fyrir að margir segðu að við ættum ekki að gera það) og við munum að sjálfsögðu gera það einnig nú.

Með kveðju Páll V. Gíslason þjálfari
Sigurjón Magnússon formaður unglíngaráðs
og leikstjórnandi á þessum miður skemmtilega sunnudegi.

Efni: Ákvörðun um að draga lið ÍA úr úrslitakeppni 5. flokks karla.

Unglinganefnd KÍÁ (UKÍA) ákvað á fundi sínum í færkvöldi að draga lið 5. flokks karla út úr úrslitakeppni Íslandsmótsins.

Ástæða þessarar ákvörðunar eru atvik sem komu upp í úrslitakeppni sem fram fór á Húsavík dagana 16.-18. ágúst sl., þar sem leikmenn voru færðir á milli A og B liða, en slíkt er ekki heimilt samkvæmt reglum KSÍ. UKÍA hefur áður beðið KSÍ og öll félögin sem tóku þátt í þessari úrslitakeppni afsökunar með bréfi dags. 23. ágúst sl.

Ljóst er að þótt þjálfara 5. flokks ÍA hafi orðið á afdrifarík mistök, kom einnig í ljós í þessu máli að í framkvæmd úrslitakeppninnar á Húsavík virtust vera brotalamir, t.d. var ekki séð til þess að leikskýrslur væru lagðar fram á réttum tíma.

Það er ósk okkar að þetta mál verði hvati að því að KSÍ skerpi framkvæmd sína á Íslandsmótum yngri flokkanna og standi jafnframt fyrir kynningarátaki um reglur sambandsins í þessu efni.

Akranesi 29. ágúst 2002-12-18

Með kveðju,
Haraldur Friðriksson
Formaður UKÍA

Knattspyrnudeild Aftureldingar:

Hér með er dregin til baka kæra frá knattspyrnudeild Aftureldingar á hendur knattspyrnufélagi ÍA dagsett 28. ágúst 2002, þar sem knattspyrnufélagið ÍA hefur dregið sig út úr íslandsmóttinu í 5. flokki karla.

Virðingarfyllst,
F.h. Knattspyrnudeildar Aftureldingar
Valdimar Leó Friðriksson